

UNITED NATIONS



NATIONS UNIES

INTERNATIONAL CRIMINAL TRIBUNAL
FOR THE FORMER YUGOSLAVIA

CHURCHILLPLEIN 1, P.O. BOX 13888
2501 EW THE HAGUE, THE NETHERLANDS
TELEPHONE: +31 70 512-5000
FAX: +31 70 512-8637

TRIBUNAL PÉNAL INTERNATIONAL POUR
L'EX-YOUGOSLAVIE

CHURCHILLPLEIN 1, B.P. 13888
2501 EW LA HAYE, PAYS-BAS
TELEPHONE: +31 70 512-5000
FAX: +31 70 512-8637

Tužilac protiv Stojana Župljanina
Predmet br. IT-08-91-T

ODLUKA
JAVNO

ZAMJENIK SEKRETARA,

IMAJUĆI U VIDU Statut Međunarodnog suda, koji je Savjet bezbjednosti usvojio Rezolucijom 827 (1993.), a posebno član 21 Statuta;

IMAJUĆI U VIDU Pravilnik o postupku i dokazima, koji je Međunarodni sud usvojio 11. februara 1994., s naknadnim izmjenama i dopunama (dalje u tekstu Pravilnik), a posebno pravila 44 i 45 Pravilnika;

IMAJUĆI U VIDU Uputstvo za dodjelu branioca po službenoj dužnosti, koje je Međunarodni sud usvojio 28. jula 1994., s naknadnim izmjenama i dopunama (dalje u tekstu: Uputstvo), a posebno članove 14 i 16 Uputstva;

IMAJUĆI U VIDU Profesionalni kodeks branilaca koji postupaju pred Međunarodnim sudom (IT/125 REV.3) (dalje u tekstu: Kodeks);

IMAJUĆI U VIDU da je g. Stojan Župljanin (dalje u tekstu: optuženi) 21. juna 2008. doveden u sjedište Međunarodnog suda i da je njegovo prvo stupanje pred Sud održano 23. juna 2008., kao i da je njegovo daljnje prvo stupanje pred Sud održano 21. jula 2008.;

IMAJUĆI U VIDU da je zamjenik sekretara 18. jula 2008. imenovao g. Tomislava Višnjica za branioca optuženog na privremenoj osnovi u skladu sa članom 11(B) Uputstva, a poslije toga dvaput, 19. novembra 2008. i 3. aprila 2009., produžio njegovo privremeno imenovanje na period od 120 dana;

UZIMAJUĆI U OBZIR da je 31. marta 2010. optuženi zatražio od Sekretarijata da odobri zamjenu funkcija njegovih branilaca i da su kasnije i g. Pantelić i g. Krgović zatražili zamjenu funkcija u timu odbrane optuženog i da su za to naveli razloge u dopisu od 14. maja 2010. godine;

UZIMAJUĆI U OBZIR da je zamjenik sekretara 23. jula 2010. povukao imenovanje g. Pantelića za glavnog branioca, imenovao g. Krgovića na položaj glavnog branioca a g. Pantelića preimenovala u kobranioca;

UZIMAJUĆI U OBZIR da je 26. novembra 2010. g. Krgović zatražio povlačenje kobranioca g. Pantelića i imenovanje g. Aleksandra Aleksića, advokata iz Beograda, za novog kobranioca;

Prijevod

UZIMAJUĆI U OBZIR da se, na osnovu informacija koje je dostavio glavni branilac, sekretar uvjerio da je pokazan valjan razlog koji opravdava smjenu kobranioca g. Pantelića u ovom predmetu;

IMAJUĆI U VIDU članove 20(A)(ii) i 20(E) Uputstva, koji predviđaju da sekretar u interesu pravde može povući imenovanje kobranioca na zahtjev glavnog branioca i imenovati branioca koji će ga zamijeniti;

UZIMAJUĆI U OBZIR da je g. Aleksandar Aleksić od 20. avgusta 2010. angažovan kao pravni konsultant u timu odbrane optuženog, u skladu sa članom 16(E) Uputstva;

UZIMAJUĆI U OBZIR da se sekretar na osnovu informacija koje je dostavio glavni branilac uvjerio da je g. Aleksić dovoljno spreman da smjesta preuzme ulogu kobranioca u ovom predmetu, koji je trenutno u pretresnoj fazi;

UZIMAJUĆI U OBZIR da je g. Aleksić na spisku branilaca koji na osnovu pravila 45 Pravilnika Međunarodnog suda ispunjavaju uslove za dodjelu osumnjičenima i optuženima slabog imovnog stanja i da je on izrazio spremnost da bude imenovan za kobranioca u predmetu optuženog;

UZIMAJUĆI U OBZIR da je g. Aleksić imenovan za kobranioca g. Nebojše Pavkovića (predmet br. IT-05-87) pred Međunarodnim sudom, da se u predmetu g. Pavkovića trenutno vodi žalbeni postupak pred Međunarodnim sudom;

UZIMAJUĆI U OBZIR da se Sekretarijat u skladu sa članom 16(G)(ii) Uputstva uvjerio da imenovanje g. Aleksića u oba predmeta ne dovodi do kolizije u rasporedu ni do potencijalnog ili stvarnog sukoba interesa i da to imenovanje neće na drugi način nanijeti štetu odbrani bilo kog optuženog ili integritetu postupka;

UZIMAJUĆI U OBZIR da su i optuženi i g. Pavković napismeno pristali na dvojni angažman g. Aleksića;

KONSTATUJUĆI da bi odobrenje smjene kobranioca u ovim okolnostima bilo u interesu pravde;

OVIM ODLUČUJE da povuče imenovanje g. Igora Pantelića i da za kobranioca g. Stojana Župljanina imenuje g. Aleksandra Aleksića, pri čemu ova odluka stupa na snagu odmah;

UPUĆUJE g. Pantelića da, u skladu s članom 9(D) Kodeksa, preda g. Aleksiću sve materijale u vezi s predmetom koje je primio za vrijeme svog rada u svojstvu kobranioca.

/potpis i pečat na originalu/

Ken Roberts,
zamjenik sekretara

Dana 22. februara 2011.

U Haagu,
Nizozemska